

O autobús de 'Galicia Bilingüe' atopa o primeiro 'stop' en Gondomar

Escrito por Vieiros.com

Domingo, 03 Febreiro 2008 14:29



Segundo publica o xornal dixital galego vieiros.com, o colectivo que promove unha campaña contra a normalización do galego no ensino acusa ao rexedor gondomareño de impedirles aparcar nunha praza pública. Tres días despois de que o colectivo 'Galicia Bilingüe' comezase a percorrer o país en autobús para mostrar a súa oposición ao decreto de galeguización do ensino xa comezaron os primeiros problemas. A asociación acusa ao alcalde de Gondomar, Antón Araúxo Quintás, de denegarlle un permiso para aparcar na praza da Igrexa da localidade. Segundo 'Galicia Bilingüe', o rexedor do BNG contestoulles que estaban previstos actos de entroido á vez que lles expresou “

o compromiso coa defensa da nosa lingua, o galego, polo que non entendemos as agresións contra a mesma que vostedes propoñen dende a súa asociación

”.

Sempre segundo a asociación, o alcalde tamén lles lembrou que “*o galego é unha lingua minorizada que vén sendo agredida dende hai máis de cincocentos anos dende moitos ámbitos de de múltiples maneiras ata case a súa extinción, considerando quen isto asina que xa abunda*

”. Aínda así a asociación manifestou a súa intención de percorrer este luns a vila de Gondomar co seu autobús, aínda que “sen estacionar nun lugar concreto”